

## UKUSUNGULWA KWESIGABA SESI-3 SEMIQATHANGO YOKUSETYENZISWA KWAMANZI

UMasipala waseSwartland usivumile isigaba sesi-3 semiqathango yokusetyenziswa kwamanzi ukususela ngomhla woku-1 kuMatshi 2017 de kukhutshwe esinye isaziso.



### IMIQATHANGO ECHAPHAZELA ZONKE IIKHASTOMARA

- Unkcenkcesho (ngamanzi okusela avela kwamasipala) lweegadi, ingca, iintyatyambo nezinye izityalo, iimifuno, amabala ezemidlalo, iipaki, kunye nezinye iindawo ezivulelekileyo luvunyelwe koko lungenziwa kuphela phambi kwentsimbi yesi-8 kusasa (08:00) ukuya kweyesi-6 ngokuhlwa (18:00), kambe oko kufuneka kwenziwe ngebhakethi okanye ngetoti yokuncenkcesha kuphela. Amathumbu okuncenkcesha kunye nezixhobo zokuncenkcesha ezizisebenzelayo akavumelekanga.
- Amabala egalufa (ngokubhekiselele kwigrini/iindawo zokubethela ibhola yegalufa emngxunyeni), izikolo, amaziko emfundo, imiyezo yezityalo (iinesari) neekhastomara ezibandakanyeka kwezolimo ziyaxoleleka kwezi zinto zingentla apha, kodwa ziyabongozwa ukuba ziwasebenzise ngcathu amanzi. Apho kulungayo, makusetyenziswe ezinye iintlobo zemithombo yamanzi.
- Zonke iindawo apho kunokusetyenziswa khona ezinye iintlobo zemithombo yamanzi, angengawo awokuselwa (umz. amanzi emvula, amanzi ahlaziyiweyo, amanzi ogutyulo acociweyo, amanzi asemthonjeni, aweepitsi nawemingxuma ekutsalwa kuyo amanzi) kufuneka zibe neepleyiti ezibhaliweyo ezichaza loo nto, pleyiti ezo ezikwiindawo ezisekukheleni ukuze zibonwe luluntu.
- Akuvumelekanga ukugutyula imigangatho eqinileyo neendawo ezipeyivishiweyo ngamanzi okusela. Bayaxoleleka abasebenzisi abafana nezilarhpali, amashishini enza iintlobo ngeentlobo zokutya, amashishini/oosokotraka abasebenzisa amanzi ukulungiselela ukupeyinta nezinto ezifana nezinto, iindawo ezijongene nokunyamekela uluntu ndawonye neendawo zokukhusela izilwanyana, nangona kunjalo (1) izixhobo zamanzi mazingashiywa zingakhathalelwanga xa zingasetyenziswayo kambe zingashiywa zingavalisiswanga, kananjalo (2) wonke amathumbu okuncenkcesha makabe nesixhobo esizivalayo okanye abe nesixhobo sokufafaza esinxizelelo luphezulu (WAP). Ukusetyenziswa kwezixhobo zokufafaza (iiWAP) kunyanzelekile apho amanzi aza kusetyenziselwa ukupeyinta okanye izinto ezifana nezinto.

### IMIQATHANGO ECHAPHAZELA IIKHASTOMARA ZASEKUHLALENI

- Ukuhlanjwa (ukusetyenziswa kwamanzi okusela) kwezithuthi nezikhithana kuvumeleka kuphela xa kusetyenziswa ibhakethi.
- Ukugcwaliswa kwedama lokuqubha ngesandla kuvumeleke kuphela xa idama elo linto yokuligquma. Iindlela zokugcwalisa ezizenzelayo azivumelekanga.
- Amadama okuqubha amatsha kuvumeleke ukuba agcwaliswe ngamanzi aphuma kwimithombo engeyiyo eyamanzi okusela.
- Akuvumelekanga ukusetyenziswa kwamadanyana okudlala nemityibilizi egcwaliswa umoya.
- Iikhastomara zicetyiswa ngamandla ukuba zifakele izinto ezonga amanzi kwizixhobo ukuze kuphungulwe ukusebenziseka kwamanzi koompomi, kwiishawara nakwezinye izinto ezenzelwe ukusebenzisa amanzi.

### IMIQATHANGO ECHAPHAZELA IIKHASTOMARA EZINGEZIZO EZASEKUHLALENI

- Amashishini ahlamba iimoto ngenjongo yokwenza ingeniso kufuneka alandele ezona ndlela zizizo zokusebenzisa amanzi kwimoto nganye ehlanjweyo.
- Abantu abazihlambelayo iimoto mabasebenzise iibhakethi kuphela; bangawasebenzisi amathumbu okuncenkcesha.
- Apho kulungayo, kukhuthazwa ngamandla ukusetyenziswa kwezinto zokugquma amadama okuqubha kumadama okuqubha kawonke-wonke.
- Amabala egalufa, amabala ezemidlalo, iipaki, izikolo namaziko emfundo akuvumelekanga ukuba asungule umsebenzi omtsha wokuphucula imbonakalo yomhlaba kambe kungavumelekanga nokwenziwa kwamabala amatsha ezemidlalo, ngaphandle kokuba ezo zinto ziza kuncenkceshwa ngamanzi angengawo awokusela.

### IMILINGANISELO YAMANZI

Inkqubo yokumisela imilinganiselo yamanzi iphelisiwe. Kodwa abasebenzisi bamanzi kuya kufuneka bayiqonde eyokuba umyinge wokusetyenziswa kwamanzi kuyo yonke imizi namashishini uya kubekwa iliso elibukhali qho ngenyanga. UMasipala, apho amanzi amoshwayo, usenokufaka iimithara zohlobo lwe-*Aqualoc* (ezo zimithara ezimisela umyinge wamanzi amakusetyenziswe ngosuku) xa efuna ukukwenza oko.

### UKUSUNGULWA KWEENTLAWULO EZONGEZIWEYO ZAMANZI

Kuza kusungulwa ezi ntlawulo zilandelayo ngokubhekiselele kubasebenzisi bamanzi ezindliwini kummandla kaMasipala waseSwartland, ukususela kwi-akhawunti yeenkonzo eza kunikwa iikhastomara kwinyanga kaEpreli nemayihlawulwe ngomhla wama-30 kuEpreli 2017.

	<b>Intlawulo ngeyunithi (kl)</b>
0 to 4 kl	Simahla
5 to 25 kl	R14,60 nerhafu i-VAT
26 to 50 kl	R20,10 nerhafu i-VAT
51 kl nangaphezulu	R31,12 nerhafu i-VAT

Ngokubhekiselele kumashishini (kubandakanywa izikolo, amaziko karhulumente nemibutho yemidlalo) kuya kusetyenziswa ezi ntlawulo zilandelayo ukususela kwi-akhawunti yeenkonzo eza kunikwa abasebenzisi ngoEpreli 2017 nemayihlawulwe ngomhla wama-30 kuEpreli 2017 (o.k.k ngokubhekiselele kwiinkonzo ezisetyenziswe ngoMatshi): R20,74 nerhafu i-VAT eza kuhlawulelwa ikilolithara yoku-1 yamanzi asetyenzisiweyo.

#### **IIFAYINI**

Ngaphandle kwe-akhawunti ephuzulu ngenxa yokusetyenziswa gwenxa kwamanzi, abasebenzisi bamanzi abamosha amanzi basenokunikwa ifayini ngokutyeshela kwabo nawaphi na amanyathelo othintelo achazwe apha. Umntu uya kuthiwa nka ngefayini yama-R300,00 ngolwaphulo-mthetho ngalunye. Kanti loo fayini isenokunyuka kungekudala.

#### **UKUVALWA KWAMADAMA OKUQUBHA KAMASIPALA**

Ukususela ngomhla woku-1 kuEpreli wonke amadama okuqubha kaMasipala aza kuvalwa angasetyenziswa luluntu.

#### **ISICELO SOKUXOLELWA**

Abasebenzisi beenkonzo abaneemfuno ezizodwa banako ukufaka isicelo sokuxolelwa kule miqathango yamanzi, eso sicelo besifaka kuMlawuli: IiNkonzo zeKomkhulu. Ndwendwela iwebhusayithi yethu ([www.swartland.org.za](http://www.swartland.org.za)) ukuze ufumane ifomu yokufaka isicelo.

**J J SCHOLTZ**  
**UMPHATHI KAMASIPALA**

**Februwari 2017**